

地 13013
39
1-12

獲鹿縣志

YU NCF 12

獲

鹿

豨

志

重修獲鹿縣志序

志以為民也故稼書先生靈壽志獨致詳於田賦名儒經術即茲可見獲鹿新志之役經始於前令尹俞公歷壽錢兩任而書成任纂輯之勞者惟海昌曹孝廉始終其事其中筆削之精抉摘之當固不敢妄贅一詞而迄未成函者以籌款

獲鹿縣志

卷首 序

不給之故余下車首詢及此知版片未鋟者僅六七帙耳功虧一篑殊為慨歎桂秋之月因勸積穀查保甲親履鄉區不匝月周歷幾徧所至集紳耆問疾苦觀風辨俗而獲屬五路情形殆周知靡遺夫而後志書續成之念於是決公旋召剖剔竟前工刷印裝訂悉捐廉給



之而邑志遂成上備輜軒之采下
昭觀感之資即

上臺徵文考獻殷殷求治之心亦藉
以少慰抑余尤有厚望焉邑之有
志猶國之有史舉凡田賦戶役有
關於政治典型者亦既傳為法守
而士民涵濡於

取一朝王化者二百餘年豈無忠臣義士

獲鹿縣志

卷首 序

孝子節婦足以綱維天地繫人心
於不敝者乎茲已旁搜博採續而
纂之可以信今茲而昭來許俾後
之覽斯冊者知一行之善重於鼎
彝一字之褒榮於華袞即一二偏
僻反側之輩相率而敦節廉仁讓
之風將閱數十年而邑之善行懿
德必有丹不勝書者搜羅表章又

後賢之責也敢不跋而望之
光緒七年歲次辛巳孟冬月上澣
花翎知府銜儘先補用直隸州知
州署獲鹿縣事關中庶原舉人並
汀魏摺儒撰並書



獲鹿縣志

卷首 序

重修獲鹿縣志序

邑之有志猶國之有史凡疆域山川祠廟郵驛風俗政治人才物產以及田賦兵制戶口災祥學校選舉無不比類直書以備後世之考徵誠巨典也况獲鹿為歷朝勝邑

昭代名區土風土物古今誇美則志

尤不容廢憶自前明以迄

國朝修邑乘者惟趙公惟勤韓公

國瓚兩賢計韓公至今百四十有

餘歲去乾隆之世遠矣去嘉靖之

世又加遠矣志典國略文獻無稽

若非纂輯而重新之不惟無以

光前烈抑之無以信後人所謂
繼往開來者安在乎前令周公
榮曾有志修輯因及瓜解任遂
寢其事同治己巳夏余承乏於
斯方將追韓之績以成周之志乃
不匝月而有平鄉之行以政所願
未遂惟時蘇公性代余攝篆是

邦下車之物欲能與余有同志且
能進余備厥功無何亮以終養
去官修志之事少即中心癸酉
春余重遊於此適奉

制軍李爵相檄修邑志迺進諸
紳士而告之曰昔漢高入關諸將
多取財寶獨蕭何收丞相府書

籍掌故所繫至重且鉅而顧令
典章散逸而失傳人物淪湮而
不著誠有司之咎也奚可哉其
修之便僉曰唯上惟是年正擬
設局纂修又因恭辦

大差力難為繼適乎丙子姑克籌經
費議條規開館於署右蕭曹

廟四領事者與諸紳士公商於余
聘本署幕賓海昌孝廉曹君
山岳統編輯而又以某為協輯某
主採訪某掌訂訛某司校正某
董傳錄監刻濟一時賢皆學識
兼優公正慮明之士余公餘之暇
與諸君子共事而討論之雖不能

煥美古人六聊以繼歸趙重修之
志慰周蘇亦堯之懷前後百數
十年間不可謂非一時盛舉豈不
幸甚豈不幸甚夫籌款集資者
宰官之職也比事屬詞者纂修
之任也分校互勘者因察之事也
博採遐稽者伸董之責也余

恭承

憲檄次第舉行爰取舊志與小共
諸君詳加釐訂缺則補之冗則
汰之訛則刊之遺則捨之其體例
皆取裁於嘉禾臨安建康吳郡
靈壽諸名志而今門別類則
遵我

節相頌發通志新章勒成一書
為綱一十五為目九十二為以粉
飾之治故事鋪張勿以虛假之言
妄為附會自夏徂冬凡七閱月
而初稿已初正在造冊通志

憲台余適以却篆行至往修飾潤色
刊刻刷印事畢告竣所望後賢

宰接踵承修以成一邑之信史云
是為序

光緒二年歲次丙子嘉年月上澣
四品銜直隸州用知獲鹿縣事古
虞俞錫綢謹撰

重修獲鹿縣志序
吾人學古入官職列親民欲
盡心於一邑之治則必審形
度勢考俗觀風察民生之利
病酌政教之滋先鑒往昔之
得失善今茲之敷布惟邑志
是徵丙子嘉平余承乏鹿泉
查獲邑志書係前令古虞

俞君緯臣遵奉

憲檄籌款纂修彼時編次修詞
初稿已翔秉筆者為海昌孝
廉曹小芸董其事者皆邑之
博雅有識之士余下車之初
欣然索閱見其徵文考獻別
類分門釐然不紊幸治譜之
可循遂攤牋而自喜第蒐羅

薈萃以集其成尤必抉擇精
詳以求其信因復籌添經費
於簿書之暇與局紳等相與
考證凡疆域河道之名遷田
賦里役之繁簡物產土宜之
隆殺文物官方之盛衰務皆
誨求實蹟不尚浮文外此學
宮戶口節孝科名更有關乎

人心風化尤宜嚴去取辨異
同必求可以信今而傳後夫
比事屬詞纂修者言皆有物
旁搜博考採訪者事無或遺
即此緬先哲之徽音溯前賢
之政績甚不敢以雕珣附會
畢乃事也迨丁丑小陽已三
易其稿甫行編定未及付梓

而余適卸篆將去邑人士乞
為一言并請簡首噫俞君既
倡之於前余非敢謂能繼於
後也使不踵而成之有負諸
君子之盛舉且湮後俞君初
始之苦心更何以仰副
上憲事事微實兢兢罔治之至
意志成矣而任剗剗之責尤

望後之同志者是為序
光緒三年歲在丁丑葭月中
浣之吉

賜

進士出身候補直隸州前署獲

鹿縣事長白壽 頤撰

獲鹿縣志卷首

目錄

卷首

序

原序

新修姓氏

歷修姓氏

凡例

卷一

獲鹿縣志

卷首

目錄

地理上

星野
河渠

沿革
形勢

疆宇
古蹟

山川

卷二

地理下

鄉社
方音

市集
物產

風俗

卷三

建置

城池
橋梁

公署新
陵墓

公署舊
義塚

坊表

卷四

籍賦

田賦
鹽課

旗租

卷五

世紀

事畧
祥異

卷六

祀典 壇壝 祠宇
寺觀

卷七

保息 倉廩 養濟院
留養局

卷八

學校 文廟 廟額 廟像祀典考
文廟祀位考 執事定制 各案陳設

祭器 祭品 祭品勛兩
樂器 舞器 釋奠考

祝文 名宦 鄉賢
尊經閣 書籍 儒學二員

明倫堂 學田 讀法
臥碑 上諭碑 忠義節孝

獲鹿縣志

卷首

目錄

學額 廟祀 義學
書院

卷九

兵防 公廨 墩堡 馬政
驛舍 舖司 關隘

卷十

官師 名宦 今制職官
已裁職官 補遺職官

卷十一

選舉 薦辟 仕蹟 文科目 貢生
例貢 吏員 武科目 封蔭

卷十二

人物 鄉賢 宦績 忠烈 孝義 隱逸
文翰 武功 耆壽 流寓 列女

卷十三

金石

卷十四

藝文

卷末

雜志

補遺
述異

訂訛
雜詩

獲鹿縣志

卷首

目錄

三

獲鹿縣志卷首

原序

嘉靖志井陘兵備道錫山俞憲序

郡邑之有志古也志以述政政以行志一而已矣後世以志爲吏政之一端則不免歧而二之故政或委於粗迹不足以傳遠志或涉於空言不足以考成去古遠矣古之爲令者凡一邑之政既繪爲圖又系爲說蚤作夜思心殫力瘁日躋譽焉惟圖說之求其大自古今理亂之原官師邪正之迹與夫建置得失山川險夷貢賦上下人才盛衰具

獲鹿縣志

卷首

原序

一

悉其故而區畫之至於土壤之肥瘠戶口之登耗兵糧之盈絀物產之美惡市井之集散亦莫不條指類陳曲盡其情狀若其風俗習尚之淑慝與夫一事之有關於民瘼一言之有資於治理者又必博覽旁搜慎核纖綴罔或闕遺出則置之几席入則揭之座隅對人則諮其所未備獨居則慮其所未終寢而皇皇食而孳孳蓋夢寐影響之所必之而精神命脈之所攸繫比其久也利有所興害有所革是有所成非有所正政成而人和道立而民化凡理亂邪正夷險盛衰登耗盈絀淑慝之故以及一事一言之微悉